



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

I. Defenduntur testimonia ex Isa. 43. 18, & seq. & ex Isa. 66. 22, 23.

urn:nbn:de:hbz:466:1-16260

Dei mei, & nomen civitatis Dei mei nova Ierusalem, que descendit de celo à Deo meo, & nomen meum novum. Et Apoc. 2. 17.
Apoc. 21. 1, & seq. Et vidi calum novum & terram novam. Primum enim calum & prima terra abiit, mare jam non est. Et ego Johannes vidi sanctam civitatem Ierusalem novam descendentem de celo à Deo, paratam sicut sponsam ornatam viro suo Et dixit qui sedebat in throno, Ecce nova facia omnia. Et dixit mihi, Scribe quia haec verba si- delissima sunt & vera.

*Defendantur
testimonia ex
Isa. 43. 18,
& seq. & ex
Isa. 66. 22,
23.
2. Cor. 5. 17.*

Col. 2. 16.

*Defendantur
testimonia ex
Jerem. 31. 31,
& seq. & ex
Malach. 4.
4, & seq.
Mal. 4. 4.*

Mal. 4. 5.

Matth. 11. 13.

Mal. 4. 6.

*Jerem. 31. 33,
& seq.*

Mal. 1. 10, II.

*Defendantur
testimonia ex
Malach.
1. 10, II.*

I. *Q*UEM è quadragesimo tertio Isaia capite locum depromimus, Messia temporibus non Paulus solum adscribit in altera ad Corinthios, cum ait: *Si qua ergo in Christo nova creatura, vetera transferunt; ecce facta sunt omnia nova; sed & Thalmudicus liber Beracoth.* Iisdem temporibus adscribunt quoque Rabbini sententiam alteram ex sexagesimo sexto capite Isaiae, ubi non statis ac certis diebus, sed continenter, nulloque intermissione tempore, vel dierum habito discrimine, futurum vaticinatur ut ad Dei cultum homines convenient. Quibus consonant ista Pauli ad Colosenses: *Nemo ergo vos judicet in cibo, aut in potu, aut in parte diei festi, aut ne- merie, aut sabbathorum; que sunt umbra futurorum: corpus autem Christi.*

II. Nobilissimum etiam Jeremiæ oraculum è tricesimo primo capite R. Moses ben Nachman refert ad Messia atatem, ut dixi in Propositione septima. Inepta vero est, quam proponit R. David Kimchi, interpretatio: non novam enim præfignificari legem statuit, sed priscam illam Mosis in Judaeorum animos insinuandam penitus & obligandam. Tum Malachias suffragium ambit, cuius præceptum hoc est: *Mementote legis Moysi servi mei, quam mandavi ei in Horeb ad omnem Israël, præcepta & iudicia.* Unde colligit Malachiam, postrem Prophetarum, hac præceptione, non vaticinia tantum sua, sed & aliorum Prophetarum claudentem, aperte docere, in unica Lege Mosaica esse acquiescendum, nec aliama porro expectari debere. Sed hominis commentum liquido refellunt ipsa verba Jeremiæ, quibus non solum promittit Deus futurum, ut novum fedus paciscatur cum Israëlitis, sed fedus etiam illud novum veteri opponit, ipsumque adeo vetus excludit, ut pote quod ab Israëlitis violatum & solutum sit. *Feriam, inquit, domui Israël, & domui Iuda feds novum, non secundum pactum quod pepigi cum patribus eorum, in die qua apprehendi maxum eorum, ut educerem eos de terra Egypti; pactum quod irritum fecerunt, & ego dominatus sum eorum, dicit Dominus.* Ad Malachia vero testimonium quod attinet, id sibi vult, observandum esse quidem Legem Mosis, sed tamdiu, quoad per novam Christi legem abrogetur, quod & indicant quæ proxime subiecti: *Ecce ego mittam vobis Eliam Prophetam, antequam veniat dies Domini magnus & horribilis.* Ac si dicaret fore ut Iohannem usque Lex vigeat: quod clarius pronuntiavit Christus Iesus apud Matthæum: *Omnis Propheta & lex usque ad Johannem prophetaverunt; & si vultis recipere, ipse est Elias qui venturus est;* quæ plañissima est Malachiane illius *εργάσιον;* interpretatio. Addit Malachias de Elia illo venturo: *Et convertet cor patrum ad filios, & cor filiorum ad patres eorum; ne forte veniam, & percutiam terram anathemate.* Nempe hoc ipsum fedus novum est, quod ičtūrum se pollicetur Deus hoc loco Jeremiæ quem scrutamus: *Sed hoc erit pactum, quod feriam cum domo Israël post dies illos, dicit Dominus: dabo legem meam in visceribus eorum, & in corde eorum scribam eam; & ero eis in Deum, & ipsi erunt mihi in populum.* Et non docebit ultra vir proximum suum, & vir fratrem suum, dicens, *Cognoscit Dominum: omnes enim cognoscent me, à minimo eorum usque ad maximum,* ait Dominus: *quia propitiabor iniquitati eorum, & peccati eorum non memorabor amplius.* Accedit Malachia ipsius testificatio, quo meliorem ipsi interpretarem dare non possumus: *Non est, inquit, mihi voluntas in vobis, dicit Dominus exercituum, & munus non suscipiam de manu vestra: ab ore enim Solis usque ad occasum, magnum est nomen meum in gentibus, & in omni loco sacrificatur & offeratur nomini meo oblatio munda; quia magnum est nomen meum in gentibus, dicit Dominus exercituum.*

III. Quæ Malachia sententia, ut illustris est in primis ac splendida, cum eam popularibus suis virtus ac dedecori verti intelligerent Rabbini, pro sua vafricie perversis etiam interpretationibus eludere tentarunt. Sunt qui dicant, Deum id sibi velle, Quantumlibet in idolis, vel stellis, minutisque Diis compluribus colendis effusa sit Ethnicorum impietas, unum tamen summum, ac supremum Deum venerantur, quod